

# 正一解冤釋結科儀

聖水自天生 地六來成 北坎源流冠五行

楊枝普洒甘露雨 洒淨天地人

皈命常清常靜大天尊（三稱）

太上台星 應變無停 驅邪縛魅 保命護身 智慧明靜

心神安寧 三魂永久 魄無喪傾

丹朱口神 吐穢除氛 舌神正倫 通命養神

羅千齒神 却邪衛真 喉神虎賁 炁神引津

心神丹元 令我通真 思神煉液 道炁長存

靈寶天尊 安慰身形 弟子魂魄 五臟玄冥 青龍白虎

隊仗紛紜 朱雀玄武 侍衛我身

此間土地 神之最靈 通天達地 出幽入冥  
為吾關奏 不得留停 有功之日 名書上清

『主偈 道經師三寶。 良有大福田。』

若人皈依敬者。 福慧廣無邊。』

三寶讚(或可提前起)

『稽首皈依道 道在玉京山 玉京山說法

說法利人天 拔度亡靈生淨土 早得生天

早得生天

稽首皈依經 經寶演靈文 靈文書鳳篆

鳳篆廣宣揚 拔度亡靈生淨土 早得生天

早得生天

稽首皈依師 師身似水清 水清秋月現

月現廣無邊 拔度亡靈生淨土 早得生天

早得生天』

主偈 太乙天中聖。慈悲拯大千。

我今皈命處。品彙悉生天。

救苦讚

志心信禮 救苦尊上帝 現蓮花座向空居

九光圓瑞相 輦駕九頭獅 遍十方洒甘

露潤焦枯 安懷諸苦楚 熱惱滴醍醐

救諸地獄盡空虛 幽關皆得度 昇品上仙都

念尋聲隨赴感拯迷途 (鉞)

主伏以。說法談玄。而天垂寶蓋。誦經諷讚。而地湧金蓮。今者皈奉  
三寶。修因報本。追叩某七冥期。修建誦經禮懺。拔亡往生。大  
齋功德道場。以今經功完滿。謹按黃籙垂科。紫清設教。恭就道  
前。設壇散花。作資冥福。祈度生方。謹運真香。虔誠上啟。

無量度人三寶上帝。高上玉皇赦罪天尊。

東極青玄救苦上帝。伏願駕九頭之獅子。放百寶之祥光。端坐  
浮空。證明功德。

主太乙救苦天尊。眾太乙救苦天尊。

金光

接引 (鼓尾)

十七光讚 (主行靈光秘)

玉帝普放十七光(鼓尾) 廣運神通徹萬方

慈悲喜捨濟無疆 忍辱平等發天良 柔和自在 利益因緣

皆如意增智慧普納吉祥(鉞) 解脫多生諸罪障(鉞)

皈依大道示周行 功德圓滿 無礙道場 遍大千無能勝

接引眾生作津梁(鉞) 唯願亡靈登覺路(鉞)

從此去速證生方(鼓尾) (道眾平坐)

主偈香花繚繞遍十方。 閬苑奇花滿道場。

召請亡靈來受度。 金爐添炷返魂香。

(齋主拈香伏跪壇前) (主持幡招魂)

主一炷返魂香。遍通三界路。唯願大慈悲。宣揚秘密語。拔度亡靈  
魂。出離三途苦。

眾唯願薦亡靈。朝玉清。

主二炷返魂香。直達幽冥府。唯願大慈悲。慈航施普度。拔度亡靈  
魂。脫離輪迴苦。

眾唯願薦亡靈。朝上清。

主三炷返魂香。漂渺通十殿。唯願大慈悲。金科宣妙典。拔度亡靈  
魂。接引登仙境。

眾唯願薦亡靈。朝太清。

主伏以金烏出沒。玉兔昇沉。但知暑往寒來。不覺星移斗轉。三春  
淑景方回。九夏炎天又至。歎彼秋風吹敗葉。更看臘雪映寒梅。

四時景物無差。萬事榮枯有數。自古迄今。來千去萬。亡魂去遠。  
莫知所向之方。骨肉情深。難睹消沉之面。今日六親俱在。百客  
皆來。遽分生死之途。永隔陰陽之界。嗚呼亡靈。人情似水。世  
事如花。識破浮生。黃梁一夢。萬事到頭都是幻。人生何處問浮  
漚。以今夜靜更闌。散花攝召。當齋亡過靈魂。三魂如在。七魄  
儼全。出離冥途。來壇受度。凝神自在。靜聽良音。乘茲妙典。超  
証南宮。

志心稱念。

騫林說法天尊。

眾和 騫林說法天尊。

騫林內 花卉盡鮮妍 牡丹芍藥真堪羨

摘來獻上黃金殿  
花台寶蓋錠金蓮  
青蓮花座下

親覩天尊面(過鉞)

元始天尊說功德法食往生經

爾時

元始天尊與諸天聖眾  
天仙地仙  
三界官屬  
五岳地司

五帝水府  
北都羅酆  
善惡二童子  
游東方玉寶樓閣世界

空青樹下  
碧蓮花上  
說十種因緣  
一千業報  
令諸法會

生解脫心  
爾時  
天尊  
現大光明  
滿彼世界  
見諸地獄

餓鬼畜生  
頭面焦爛  
身體火然  
刀輪劍鋒

苦毒徹天  
痛傷骨髓  
猛火焰天  
渴飲熔銅



號叫冤債 無有休息 是時眾中 普皆觀見  
爾時 有一真人 名曰大慈大慧 悲泣傷嘆  
從座而起 稽首斂容禮拜 上白天尊 伏願聖慈 特垂聽覽  
臣與法會諸眾 及飛仙神仙等 憫恤下界眾生 伏願天尊  
平等大慈 如何救度 爾時 天尊默然良久  
方啟慈顏 舉五明扇 發大弘音 乃答真人曰 善哉善哉  
汝等廣為眾生 憫啟慈念 今問此事 令我應見 汝等一會  
當須諦聽天尊言 三途九府 一百二十酆都地獄  
有諸眾生 不修真道 死入長夜 魂為下鬼 沉淪惡趣  
愍嘆而作頌曰 冷冷甘露滋 法味難思議 騫香留七真  
冥冥何生疑 受此法食者 生天登紫薇 福田高巍巍

供施令清靜 一切有為事 普皆成代命 拔汝三途苦  
施汝九玄慶 臨當受食時 諸天皆贊詠 寒庭多悲苦  
回心禮元皇 女青靈寶符 中山真帝書 一念昇太清  
再念歸太無 功歸九幽下 旋旋生紫虛  
天尊曰 施食與亡者 不可思議 是諸亡魂 是男是女  
當此飽滿 各得離苦解脫 受清涼蓮花座 永得脫離 是時  
天尊重宣偈曰

功德不思議 行者膺福報 施與法食餐 永生安樂道  
爾時 天尊說是偈已 應諸所見地獄  
尋聲消散 是諸亡魂 隨願往生 大慈大慧  
真人 及諸法會等眾 咸皆歡喜踴躍

五體投地 作禮而退 信受奉行

元始天尊說功德法食往生經

主伏以。大道慈悲。廣度沉淪。九幽路渺。難追已往之魂。大聖垂慈。能薦不返之魄。慈恩浩蕩。苦爽沾春。金光普照於三途。法雨遍滋於六道。仰仗經功。虔申懺悔。憑茲資薦。花散騫林。並解業冤之結。藉登極樂之鄉。剎那圓明。誕登道岸。法眾虔誠。宣揚妙典。

讚東方 青色光 東方青色 青衣童子手持一朵青蓮花

青蓮花座上度之靈

讚南方 赤色光 南方赤色 赤衣童子手持一朵赤蓮花

赤蓮花座上度之靈

讚西方 白色光 西方白色 白衣童子手持一朵白蓮花

白蓮花座上度之靈

讚北方 黑色光 北方黑色 黑衣童子手持一朵黑蓮花

黑蓮花座上度之靈

讚中央 黃色光 中央黃色 黃衣童子手持一朵黃蓮花<sub>12</sub>

黃蓮花座上度之靈

主伏以。天上人間。方便第一。道前壇下。演教為先。以今

奉為當齋亡過靈魂。散騫林蓮花。解夙世冤結。懺除愆業。頓解

累連。伏願

天尊慈悲。俯垂憐憫。赦宥過去。拔度將來。一切冤家。從此解結。

乘此良因。往生仙界。志心稱念。

解冤釋結天尊。

眾和 解冤釋結天尊。

解結咒 (上小樓板) (主默念解冤真言)

解。結。解。結。解。冤。結。債。主。冤。家。從。此。滅。

生。生。世。世。不。再。逢。生。前。冤。業。永。解。釋。

解。結。解。結。解。冤。結。天。尊。慈。悲。釋。愆。業。

刀。山。劍。樹。化。為。騫。鑊。湯。爐。炭。免。腦。熱。

解。結。解。結。解。冤。結。三。生。罪。業。脫。縲。綫。

千。愆。萬。過。盡。消。除。夙。世。冤。家。永。絕。滅。

太上道君說解冤拔罪妙經

爾時

太上道君與諸聖眾 在八騫林下 七寶臺中 羅列威儀

敷陳道要 怡神默坐 如玉京山 放七寶光明 照福堂地獄

見福堂之內 男女善人 快樂無為 逍遙自在

復見諸地獄之中 餓鬼窮魂 以日繼夜 受種種苦惱

悉無人形 五體壞爛 饑食猛火 渴飲熔銅 足履刀山

身負鐵杖 遍體流血 悲號徹天 是時 會中有一真人

名曰廣信 從座而起 稽首前進 上白

道君曰 不審此輩窮魂 生有何咎 而受茲苦

道君曰 受諸罪者 在世之時 不敬三光 欺負神理

十惡五逆 不忠不孝 不慈不仁 毀傷物命 傷害眾生  
福盡壽終 當受斯苦 是時 廣信真人 心生哀憫  
欲其濟拔 幸望 妙力威光 許令開度 伏蒙道君  
垂賜金言 廣設法要 為諸眾生 演說是經 名曰  
解冤拔罪 流佈于世 利益存亡 若有善男子善女人  
一心專志 入靜持齋 焚香行道 六時轉念是經  
吾當隨願 保佑其人 使宿世冤仇 乘福超度 幽魂苦爽  
各獲超昇 真人廣信 歡喜再拜  
覩縷勝因而作頌曰偉哉大道君 常普無量功 舟楫生死海  
濟度超羅艷 罪對不復遇 福報與冥通 用神安可測  
贊之焉能窮

是時 廣信真人與諸聖眾 聞法將畢  
各各稽首皈依 信受奉行  
太上道君說解冤拔罪妙經

主偈 醮樓更鼓響咚咚 堪歎浮生日夜忙  
萬事到頭終是幻 快醒夢覺趁慈航

### 五更歌

(吉子吟)

一更漏聲悲 孤燈獨照靈幃 風清月白冷淒淒  
寶炬淚雙垂 死者茫茫生者慘 堪嘆亡者西歸  
人生七十古來稀 能有幾多時  
二更冷清清 空街少個人行 孝堂眷屬嘆亡靈



能不痛傷心 金玉滿堂將不去 撒手各奔前程  
眼前不見舊時人 惟有斷腸聲

三更月朦朧 亡靈一去無蹤 回頭失卻主人翁  
一別兩西東 要見音容難再覩 除非夢裡相逢  
人生萬事一場空 渾如一夢中

四更別離多 人生能得幾何 烏飛兔走急如梭  
恰似夢南柯 我師慈悲來接引 亡靈拔度愛河  
勸君休得再蹉跎 亟早念彌羅

五更夜已闌 香消燭盡燈殘 空山寂寂水潺潺  
無語淚闌干 鶴唳猿啼人不見 子規啼破青山  
去時容易見時難 無路到陽關

青玄誥

魚青華長樂界。東極妙嚴宮。七寶芳騫林。九色蓮花座。萬真環拱內。百億瑞光中。玉清靈寶尊。應化玄元始。浩劫垂慈濟。大千甘露門。妙道真身。紫金瑞相。隨機赴感。誓願無邊。大聖大慈。大悲大願。十方化號。普度眾生。億億劫中。度人無量。尋聲赴感。太乙救苦天尊青玄上帝。

往生咒

魚浩渺玄靈。太乙太真。煉度魂魄。洞炁出冥。

元梵恢漠。真靈上昇。唵呬度飛昇。攝(七遍)

皈命 超凌仙界大天尊。(三稱)

向來散花解結。功德完成。上奉慈尊。下度亡靈。見存蒙福。亡者  
生天。同賴善功。証無上道。一切信禮。 (起立)

唵。生天速。生天速。生天速。娑訶。 (七遍) (送水)

奉送回駢五雲衢。騰駕九霄高。

倏忽登仙苑。壇場瑞氣多。

鴻恩覃宇宙。福祿遍山河。

緬想昇天路。逍遙上大羅。

皈命 回鑾返駕大天尊。 (三稱)

### 回壇

五靈童子執華幡。接引亡靈上翠端。

東望扶桑朝帝闕。白雲深處謁仙班。

志皈依道。當願眾生。一心回向。一切信禮。  
志皈依經。當願眾生。心開悟解。受持讀誦。  
志皈依師。當願眾生。早登法橋。無有障礙。

稽首聖眾

天師府大法師 李叔還 編校